



JUDICIAL SYSTEM MONITORING PROGRAMME  
PROGRAMA MONITORIZASAUN BA SISTEMA JUDISIÁRIU

**Komunikadu Imprensa**

**Tribunál Distritál Baukau**

**28 Jullu 2020**

**Julgamentu Móvel iha Munisípiu Vikeke maioria julga kazu violénsia doméstika**

Iha 06 to'o 10 Jullu 2020, Tribunál Distritál Baukau reativa filafali julgamentu móvel iha Munisípiu Vikeke depoisde paradu tiha tanba Estadu Emerjénsia liga ho Covid-19. Iha julgamentu móvel ne'e, tribunál konsege julga kazu ofensa ba integridade física simples ho natureza violénsia doméstika hamutuk 24 no maus tratus ba kónjuje hamutuk 5, husi total kazu ne'ebé tribunál agenda ona atu julga hamutuk 45.

Husi kazu ofensa ba integridade física simples ho natureza violénsia doméstika hamutuk 24 no maus tratus ba kónjuje 5 ne'ebé JSMP monitoriza, tribunál konsege konklui kazu 21 ho pena prizaun maibé ninia ezekusaun suspende, kazu 5 konklui ho pena multa no kazu 1 konklui ho pena admoestasaun, enkuantu kazu 2 seluk ninia desizaun sei le'e iha edifísiu Tribunál Distritál Baukau. Julgamentu móvel ne'e realiza iha Eskuadra PNTL Sub-distritu Vikeke no sala julgamentu iha fatin tolu, julgamentu ba prosesu koletivu fatin rua no julgamentu ba prosesu singulár fatin ida.

“JSMP apresia ho esforsu Tribunál Distritál Baukau atu hamenus kazu sira ne'ebé pendente ka rejista liu-liu kazu ho natureza violénsia doméstika depoisde tribunál suspende nia funsionamentu normal durante EE,” dehan Diretora Ezekutiva JSMP, Sra. Ana Paula Marçal.

Iha prosesu julgamentu durante loron lima ne'e parte sira maioria marka prezensa hodi tuir prosesu julgamentu, kazu balun tribunál lee sentensa emediata no kazu balun tribunál sei lee desizaun iha Tribunal Distrital Baukau. Iha julgamentu móvel ne'e tribunál konsege julga kazu hamutuk 42 no kazu 3 tribunál halo adiamentu tanba parte balun la marka prezensa. Parte sira ne'e mai hosi Sub-distritu Vikeke, Lakluta, Ossu, Uatulari no Uatukarbau.

Mezmu nune'e, hanesan tinan sira antes JSMP preokupa kona-ba fatin ba prosesu julgamentu móvel. Durante ne'e, Tribunál sira dalabarak utiliza edifísiu PNTL nu'udar fatin ba hala'o prosesu julgamentu. JSMP konsiente katak dalaruma defisil atu aranja fatin ne'ebé seguru no konfortavel ba parte sira, maibé tuir loloos, tribunál la uza edifísiu polísia hanesan fatin ba julgamentu tanba bele hamosu duvida ba iha parte interesadu sira. Komuidade sira bele

Rua Beco Lakateu, Aldeia Manu fuik,  
Suku Colmera, Administrativu Vera Cruz  
Dili Timor Leste  
PoBox: 275

Telefone: 3323883 | 77040735

[www.jsmp.tl](http://www.jsmp.tl)

[ana@jsmp.tl](mailto:ana@jsmp.tl)

Facebook: [www.facebook.com/timorleste.jsmp](https://www.facebook.com/timorleste.jsmp)

Twitter: @JSMPtl

hanoin katak polísia iha kompeténsia decide sira nia kazu tanba hahu hosi prosesu apresenta keixa, julgamentu no desizaun hotu-hotu hala'o iha polísia.

Iha móvel ne'e, JSMP dada lia ho lezada hosi kazu ofensa ba integridade fízika simples ho natureza violénsia doméstika hosi suku Ah'ik. Iha dada lia ne'e lezada informa katak hela dook hosi Sub-distritu Lakluta no sira tenke la'o ain ho distansia ne'ebé dook, foin to'o iha Sub-distritu no sae kareta mai iha Vikeke no sae tan kareta seluk to'o iha Baukau hodi tuir julgamentu. Maibé ho julgamentu móvel ne'e lezada sente kontente, tanba bele ajuda sira hamenus gastu sira ba transporte no akomodasaun tanba sira bele hela iha família hodi tuir julgamentu.

Iha julgamentu móvel ne'e antes lee desizaun, tribunál mós introdus ba parte sira oinsa sistema justisa formal nia funsionamentu.

JSMP hein katak ho prezensa regularmente tribunál movél iha distritu sira comunidade sira bele sente katak justisa ne'e iha duni ba sira.

Julgamentu movél ne'e prezide husi juis Dr. Jose Gonçalves, Dr. José António de Jesus Ecurial da Silva Faria, Dr. José Quintão Soares Celestino, Dra. Maria Modesta de Almeida Viera, Dra. Sribuana da Costa, Dra. Jumiatty Freitas. Ministériu Públiku representa hosi Dra. Remizia de Fatima da Silva, Dr. Ambrosio Rangel Freitas no Dr. Julio da Silva Correia no parte Defeza representa husi Dr. Sidonio Maria Sarmento, Dr. Antonio Fernandes no Dr. Germano Guterres Ramos hosi Defensória Pública.

Atu hetan informasaun kompletu, favór kontaktu:

Ana Paula Marçal  
Diretora Ezekutiva JSMP  
Email: [ana@jsmp.tl](mailto:ana@jsmp.tl)  
Telefóne: 3323883 | 77040735  
Website: <http://jsmp.tl>

Rua Beco Lakateu, Aldeia Manu fuik,  
Suku Colmera, Administrativu Vera Cruz  
Dili Timor Leste  
PoBox: 275  
Telefone: 3323883 | 77040735  
[www.jsmp.tl](http://www.jsmp.tl)  
[luis@jsmp.minihub.org](mailto:luis@jsmp.minihub.org)  
Facebook: [www.facebook.com/timorleste.jsmp](http://www.facebook.com/timorleste.jsmp)  
Twitter: @JSMPTl